

**Siusinaartumik pensionisiat pillugit Inatsisartut peqqussutaata allanngortinneqarnissaa
pillugu Inatsisartut peqqussutaa nr. xx, xx 2010-meersoq**

(Siusinaartumik pensionisiat annertussusaannik allannguut, toqusoqartillugu aningaasanik
tunniussisarnerit atorunnaarsinneqarneri kiisalu oqaatsitigut erseqqissaanerit)
(Isumaginninnermut Naalakkersuisumit saqqummiunneqartoq)

pillugu

Ilaqutariinnermut Ataatsimiititaliap

ISUMALIUTISSIISSUTAA

Siunnersuutip aappassaaneerreqarnerani saqqummiunneqartoq

Ilaqutariinnermut Ataatsimiititaliaq suliarinninnermini ukuninnga inuttaqarpoq:

Inatsisartunut ilaasortaq Debora Kleist, Inuit Ataqatigiit
Inatsisartunut ilaasortaq Jane Petersen, Inuit Ataqatigiit
Inatsisartunut ilaasortaq Andreas Uldum, Demokraatit
Inatsisartunut ilaasortaq Ruth Heilmann, Siumut
Inatsisartunut ilaasortaq Knud Kristiansen, Atassut

Siunnersuut UKA 2010-mi ulloq 15. april 2010-mi siullermeerreqarnerani Ilaqutariinnermut
Ataatsimiititaliap sukumiisumik misissorpaa.

Siunnersuut pillugu

Siusinaartumik pensionisialinnut annertussusiliinerup iluarsivigineqarnissaat pillugu
Naalakkersuisunit kissaateqartoqarnera siunnersuummut tunngaviuvoq.

- 1) Annertussusiliinerit qaammammut 1000 kr.-inik qaffanneqarnissaat
siunnersuutigineqarpoq.
- 2) Annertussusiliinerit akinut nalimmassarneqarnissaat siunnersuutigineqarpoq.
- 3) Taamatuttaaq siusinaartumik pensionisiallip pensionisiaqarsinnaatitaasup toqukkut
qimagunnerata kingorna inooqataa/aapparisa qaammataini marlunni pisartagaqassasoq
siunnersuutigineqarpoq.
- 4) Tamatuma saniatigut oqaatsitigut erseqqissaasoqarnissaa siunnersuutigineqarpoq.

Taamaalilluni siuliani allassimasutut allannguutissatut siunnersuutininik sisamanik
saqqummiussisoqarpoq.

Siunnersuutip tusarniaassutigineqarnera

Siunnersuut susassaqtunut tusarniaassutigineqarsimanissaa naatsorsuutigineqarpoq.

Siunnersuummik siullermeerinnineq

Siunnersuummik siullermeerineq ulloq 15. april 2010-mi ingerlaneqarpoq, matumani partiit naalakkersuineramik suliaqtut Inatsisartunullu ilaasortat tamarmik siunnersuummut oqaaseqarnissamut periarfissaqarlutik.

Ilaqutariinnermut Ataatsimiititaliap oqaaseqaatai

Siunnersuut nunatsinni siusinaartumik pensionisialinnut aningaasaqarnikkut pitsanngorsaataasumik kinguneqassasoq siullermeerinnermi partiit oqaatigaat.

Siusinaartumik pensionisialinnut aningaasaqarnikkut pitsanngoriaateqartitsinissaq pisariaqartinneqarlunilu pisariaqartoq illuatungeriit tamarmik isumaqatigaat. Aningaasatigulli pitsanngorsaanaissaq qanoq annertutigissanersoq naalakkersuinnikkut suliaqtunit isumaqatigiissutigineqanngilaq.

Siusinaartumik pensionisiallit sapinngisamik annertunerpaamik namminerlu piginnaasaq naapertorlugu suliffeqalersinnaanerannik kissaat Ilaqutariinnermut Ataatsimiititaliamit ataatsimut isigalugu tapersorsorneqarsinnaavoq. Tamanna pillugu siunnersuutip tamakkiisuunissaata malittarineqarnissaa Ilaqutariinnermut Ataatsimiititaliamit Naalakkersuisunut inassutigissavaa.

Inassuteqaat:

Ilaqutariinnermut Ataatsimiititaliami amerlanerussuteqartut Inuit Ataqtigiinneersut, Demokraatineersut Atassummeersullu siunnersuutip ilusimisut iluseqartup akuersissutigineqarnissaa inassutigaat, siusinaartumik soraarnerussutisiallit aningaasaqarnerinut tunngatillugu nukittorsaanissamik siunnersuut aningaasatigut pinnaasanut sanilliullugu naleqqussarneqarsimammata. Pensionit akinut ataavartumik nalimmassartuarneqarnissaannik siunnersuut imaqarmat amerlanerussuteqartut naammagisimaarpaat, taamaalilluni siusinnerusukkut pisarsimasutut pensionit ajorneruleratillu pisissutaasinnaanerat mangiarneqarsinnaajunaarmata.

Siusinaartumik soraarnerussutisialinnut pissutsit pitsaanerulernissaannut ullumikkorninngarnillu suliffeqarfinni akuunerulernissaannut nukinnik tamanik atorfissaqartitsiffiusuni amerlanerusunik suliniuteqarniarneq amerlanerussuteqartunit qilanaarineqarpoq.

Aningaasat pitsanngorsaatisatut siunnersuutigineqartut naammanngitsut Ilaqutariinnermut Ataatsimiititaliami ikinnerussuteqartut Siumumeersut isumaqarput. Siusinaartumik pensionisiallit aningaasaqarnerannik siunnersuummit matumani pineqartumit annertunerusumik pitsanngorsaataasussamik aammalu tamatuma saniatigut siusinaartumik utoqqalinermilu pensionisialinnut annertussutsit akornanni aningaasaqarnikkut akuerineqarsinngitsumik assigiinngisitsinermut nalimmassaataasussamik Siumut UKA 2009-mi siunnersuummik ataatsimoortumik saqqummiussaqaareersoq Siumup tapersiinerminut ilanngullugu oqaatigaa. Ataatsimut isigalugu siunnersuummi akinik nalimmassaaneq oqaatsitigut erseqqissaanerit kiisalu toqusoqarnerata kingorna pensionisianik tunniussisarnissaq Siumumit taparserneqarsinnaapput, ataatsimulli isigalugu pitsanngoriaat naammanngilaq aammalu Akileraartarnermut Atugarissaarnermullu Ataatsimiititaliarsuaq utaqqimaarneqassanani.

Taama naatsumik oqaaseqarluni siullermeerinermilu oqaatigineqartut innersuussutigalugit Ilaqutariinnermut Ataatsimiititaliap siunnersuut Inatsisartunut aappassaaniigassanngortippaa.

Debora Kleist
Siulittaasoq

Jane Petersen

Andreas Uldum

Ruth Heilmann

Knud Kristiansen